



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Catechismvs, Dat is, De Christelijcke leeringhe/ in
maniere van t'samen-sprekinghe tusschen den Meester
ende den Discipel**

Coster, Franciscus

T'Antvverpen, 1607

Wie doopen magh.

urn:nbn:de:hbz:466:1-39385

M. En connen de groote lieden , sonder het
Doopsel niet saligh worden ?

D. Neen sy: ten ware dat sy martelaers stieruen/
ende al-soo in heur bloedt ghedoopt wierden/
(d'welck het doopsel des bloedts gendoent wordt)
oft dat sy in eenighen noodt waren / daer sy ghee-
nen middel en hadden om ghedoopt te worden:
want dan soud' het ghenoegh zijn / met een op-
recht ende vol-comen berouw het Doopsel be-
gheren.

M. Wie magh doopen ?

D. Sonder noodt oft solennelijck niemandt dan
Bisschoppen ende Pasteurs: andere Priesters oft
Diaconen moeten hier toe van den Bisschop oft
Pasteur oorflof hebben . Maer in den noodt magh
een peghelyck doopen / van wat staet oft conditie
hy is / t'zij man oft vrouwe / gheloouighe oft on-
gheloouighe / ghedoopt oft onghedoopt : om dat
dit Sacrament heel noodt-saeckelijck ter salig-
heyt is.

M. Hoe vele moetender besigh zijn om ye-
manden te doopen ?

D. Een alleene . Het welck soo nood-saeckelijck
is/ dattet gheen Doopsel en soude zijn/ waer't dat
d'een de woorden sprake / ende d'ander het wa-
ter gote.

M. En ist oock niet van noode, datter yemandt
zij, om den ghenen die ghedoopt wordt, ouer
de vonte te houden: die men Peter ende Me-
ter pleghe te noemen ?

D. Iae't : Hoe wel het waerachtigh doopsel sou-
de wesen / al en waerder niemandt om dien te
houden.

M. Hoe

M. Hoe vele moetender zijn, om ouer de vonte te houden?

D. Een is ghenoegh: nochtans ist toe-ghelaten te nemen eenen man ende een vrouwe; dat is eenen Peter ende een Meter.

M. Magh men eenen yeghelycken tot Peter ende Meter nemen?

D. Neert: men magh noch ketters / noch andre ongheloouighe / noch sommighe heligieusen / noch oock de ouders hier toe nemen / maer men moet andere Catholycken daer toe roepen.

M. Wat is d'officie van de Peters ende Meters?

D. Onder andere saetken moeten sy besorghen: Ten eersten/ dat de ghene die sy gheheuen hebben/ die dinghen leere/ die hem nooit-saeckelijck zijn te weten tot syner saligheyt: Ten tweeden/ dat hy leue soo een Christen mensche behoort: ende in-dien hy dat niet en doet/ moeten sy hem vermauen ende straffen. Hier toe zijn sy gehouden (alst van de ouders ende vooghden oft mombaers versupnit wordt) op de pene van groote lijcks te sondighen.

M. Wat werckt dit H. Sacrament in den mensche?

D. Het nemt wegh de erf-sonde / met alle andere daer-men als-dan mede besmet is / hoe groot dat sy zijn / alst met berouw / ende goedt propost te beteren / ontfanghen wordt. Ten tweeden / het scheldt quijt alle tijdelijcke pijn / die hy veur syn sonden verdient hadde. Ten derden / het stort in hem de gratie Gods / ende alle nooit-saeckelijcke deughden. Ten vierden / het drückt in de siele een teccken / dat al-tijds / oock nae doodt / t'zij

in